




孝經證

全

口 12  
3062





水  
文  
十

門 口 12  
號 3062  
卷

口 12  
3062



960

孝經序

孝為百行之原自天子至庶人應得其職擴而克之治國平天下莫不本于此人苟於孝有虧則其禽獸以別也願

新念圖書  
故菊地三  
九郎氏  
大正十三年  
一月



959 507

世之為人子者朝夕講求罔物  
深是雅不能差于萬一而於禽  
獸別有差別也

稼圃



# 孝經證序

高正卿問孝於芝子芝子  
曰經不言乎夫孝天之經  
也地之誼也民之行也天  
地之經而民是則之非聖

人其孰能言之。夫子有述。女盍學乎。正卿曰。言易而義大。病其難通。敢請教。芝子曰。考諸經。證諸傳。博學慎思。弗得弗措。中庸云。人

一能之。已百之人。十能之。已千之。果能此道矣。非予曰。能之。嘗從事於斯矣。遂以其所證語之。正卿從而學焉。浸潤有日。漸覺其旨。

於是乎錄其攸聞名曰證而已

而巳  
曰參不敏何足以知之乎  
子參不敏何足以知之乎  
子參不敏何足以知之乎  
子參不敏何足以知之乎  
子參不敏何足以知之乎

孝經證



女護島

高閔慎輯錄

○開宗明誼章第一

仲尼閑居曾子侍坐子曰參先王有至德要道以訓天下民用和睦上下亡怨女知之乎曾子辟席曰參不敏何足以知之乎子曰夫孝德之本也教之所繇生也復坐吾語女身體髮膚受之父母不敢毀傷孝之始也

論語泰伯篇曾子有疾召門弟子曰啓予足啓

予手詩云戰戰兢兢如臨深淵如履薄冰小雅而  
今而後吾知免夫小子○論語雍也篇伯牛有  
疾子問之自牖執其手曰亡之命矣夫斯人也  
而有斯疾也斯人也而有斯疾也

**立身行道揚名於後世以顯父母孝之終也**

論語季氏篇陳亢問於伯魚曰子亦有異問乎  
對曰未也嘗獨立鯉趨而過庭曰學詩乎對曰  
未也不學詩無以言鯉退而學詩他日又獨立  
鯉趨而過庭曰學禮乎對曰未也不學禮無以  
立鯉退而學禮○又陽貨篇子曰小子何莫學

夫詩詩可以興可以觀可以羣可以怨邇之事  
父遠之事君多識於鳥獸艸木之名子謂伯魚  
曰汝為周南召南矣乎人而不為周南召南其  
猶正牆面而立也與○又泰伯篇子曰興於詩  
立於禮成於樂

**夫孝始於事親中於事君終於立身**

大雅云亡念爾祖聿脩厥德

大雅文王篇引于文二年昭世一年德之

證爾雅釋訓曰勿念勿忘也不俟不來也暨不及也是斯勿字不字各衍也

大雅文王篇云天命靡常殷士膚敏裸將于京  
厥作裸將常服黼皐○傳云孔子論詩至於文



王篇喟然歎曰大哉天命善不可不傳于後嗣是以富貴無常○周書泰誓云商王受宦人以世○大雅文王篇云王之蓋臣無念爾祖無念爾祖聿脩厥德永言配命自求多福○嚴卿曰文王俾臣脩德以自求多福豈若商王使膚敏之士常服黼皐以不脩厥德耶書不言乎常厥德然宦人以世非所以常也哉膚皮也

○天子章第二

子曰愛親者不敢惡於人敬親者不敢慢於人嚴卿曰不敢惡於人然况於鬼神乎不敢慢於

人然况於鬼神乎書不言乎夏王弗克庸德慢

神虐民虐民者非敢惡於民耶

愛敬盡於事親然後德教加於百姓刑於四海蓋天子之孝也

論語憲問篇子路問君子子曰脩己以敬曰如斯而已乎曰脩己以安人曰如斯而已乎曰脩己以安百姓脩己以安百姓堯舜其猶病諸

呂刑云一人有慶兆民賴之

周書

論語爲政篇子曰道之以政齊之以刑民免而無耻道之以德齊之以禮有耻且格格懷來也

○諸侯章第三

子曰居上不驕高而不危制節謹度滿而不溢高而不危所以長守貴也滿而不溢所以長守富也富貴不離其身然後能保其社稷而和其民人蓋諸侯之孝也

論語學而篇子曰道千乘之國敬事而信節用而愛人使民以時○隱五年史傳云春蒐夏苗秋獮冬狩皆於農隙以講事

詩云戰戰兢兢如臨深淵如履薄冰小雅小旻

○卿大夫章第四

子曰非先王之法服不敢服非先王之法言不敢道非先王之德行不敢行

嚴卿曰道道也○論語顏淵篇顏淵問仁子曰

克己復禮為仁一日克己復禮天下歸仁焉為

仁由己而由人乎哉顏淵曰請問其目子曰非

禮勿視非禮勿聽非禮勿言非禮勿動

是故非法不言非道不行口亡擇言身亡擇行言

滿天下亡口過行滿天下亡怨惡

周書呂刑云敬忌罔有擇言在身言敬忌乎私擇言行○又周書立政云周公曰自一話一言

我則末。惟成德之彥。以乂我受民。嗚呼。予且已。  
受人之徽言。咸告孺子王矣。言所告之一話。一  
言亦皆無非所受之徽言。

三者備矣。然後能保其祿位而守其宗廟。蓋卿大夫之孝也。詩云。夙夜匪解。以事一人。大雅

虞書。皋陶謨云。日宣三德。夙夜浚明。有家。

○士章第五

子曰。資於事父以事母。其愛同。資於事父以事君。其敬同。故母取其愛。而君取其敬。兼之者父也。故以孝事君則忠。以弟事長則順。忠順不失。以事其

上。然後能保其爵祿而守其祭祀。蓋士之孝也。詩

云。夙興夜寐。亡忝爾所生。小雅

○庶人章第六

子曰。因天之時。就地之利。謹身節用。以養父母。此庶人之孝也。

嚴卿曰。人各有所就。就地之利。乃庶人之行也。

○孝平章第七

子曰。故自天子以下。至於庶人。孝亡終始而患不及者。未之有也。

中庸云。誠者自成也。而道自道也。誠者物之終

始不誠無物是故君子誠之爲貴誠者非自成  
已而已也所以成物也成已仁也成物知也性  
之德也合外內之道也故時措之宜也

○三才章第八

曾子曰甚哉孝之大也子曰夫孝天之經也地之  
誼也民之行也天地之經而民是則之

大雅蕩云蕩蕩上帝下民之辟○周書洪範云  
無偏無黨王道蕩蕩

則天之明因地之利以訓天下是以其教不肅而  
成其政不嚴而治

嚴卿曰三辰之謂天之明五行之謂地之利  
先王見教之可以化民也

中庸云天命之謂性率性之謂道脩道之謂教  
○又云自誠明謂之性自明誠謂之教誠則明  
明則誠矣○又云唯天下至誠爲能盡其性能  
盡其性則能盡人之性能盡人之性則能盡物  
之性能盡物之性則可以贊天地之化育可以  
贊天地之化育則可以與天地參矣其次致曲  
曲能有誠誠則形形則著著則明明則動動則  
變變則化唯天下至誠爲能化

是故先之以博愛而民莫遺其親陳之以德誼而民興行

中庸云仁者人也親親爲大義者宜也尊賢爲大親親之殺尊賢之等禮所生也先之以敬讓而民不爭道之以禮樂而民和睦昭廿五年史傳云趙簡子問揖讓周旋之禮焉子大叔對曰是儀也非禮也曰敢問何謂禮對曰吉也聞諸先大夫子產曰夫禮天之經也地之義也民之行也天地之經而民實則之則天之明因地之性生其六氣用其五行氣爲五味

發爲五色章爲五聲淫則昏亂民失其性是故爲禮以奉之爲六畜五牲三犧以奉五味爲九文六采五章以奉五色爲九歌八風七音六律以奉五聲爲君臣上下以則地義爲夫婦外內以經二物爲父子兄弟姊妹舅昏媾姻亞以象天明爲政事庸力行務以從四時爲刑罰威獄使民畏忌以類其震曜殺戮爲溫慈惠和以效天之生殖長育民有好惡喜怒哀樂生于六氣是故審則宜類以制六志哀有哭泣樂有歌舞喜有施舍怒有戰鬪喜生于好怒生于惡是

故審行信令禍福賞罰以制死生生好物也死  
惡物也好物樂也惡物哀也哀樂不失乃能協  
于天地之性是以長久簡子曰甚哉禮之大也  
對曰禮上下之紀天地之經緯也民之所以生  
也是以先王尚之故人之能自曲直以赴禮者  
謂之成人大不亦宜乎簡子曰鞅也請終身守  
此言也

示之以好惡而民知禁詩云赫赫師尹民具爾瞻

小雅節南山

大學詩云樂只君子民之父母小雅南山有臺民之所

好好之民之所惡惡之此之謂民之父母又云  
節彼南山維石巖巖赫赫師尹民具爾瞻有國  
者不可以不慎辟則爲天下僂矣嚴卿曰節  
言有度也南山所積之石巖巖然文理蜜察以  
喻周師尹其行赫赫然

○孝治章第九

子曰昔者明王之以孝治天下也不敢遺小國之  
臣而况於公侯伯子男乎故得萬國之歡心以事  
其先王治國者不敢侮於鰥寡而况於士民乎故  
得百姓之歡心以事其先君治家者不敢失於臣

妾之心而况於妻子乎故得人之歡心以事其親夫然故生則親安之祭則鬼享之是以天下和平災害不生禍亂不作故明王之以孝治天下也如此詩云有覺德行四國順之大雅抑

商書咸有一德云后非民罔使民非后罔事無自廣以狹人匹夫匹婦不獲自盡民主罔與成厥功又說命云惟敷學半念終始典于學厥德修罔覺監于先王成憲其永無愆

○聖治章第十

曾子曰敢問聖人之德亡以加於孝乎子曰天地

之性人為貴人之行莫大於孝

周書泰誓云惟天地萬物父母惟人萬物之靈孝莫大於嚴父嚴父莫大於配天則周公其人也昔者周公郊祀后稷以配天宗祀文王於明堂以配上帝是以四海之內各以其職來助祭夫聖人之德又何以加於孝乎

中庸云郊社之禮所以事上帝也宗廟之禮所以祀乎其先也明乎郊社之禮禘嘗之義治國其如示諸掌乎

是故親生毓之以養父母日嚴

嚴卿曰。父母生子。然後毓之。以養父母之於其子。可謂日嚴也已矣。故因嚴以教敬焉。莫親於生已。故因親以教愛焉。詩小雅蓼莪云。父兮生我。母兮鞠我。拊我畜我。長我育我。顧我復我。出入腹我。欲報之德。昊天罔極。

聖人因嚴以教敬。因親以教愛。聖人之教不肅而成。其政不嚴而治。其所因者本也。

大學云。物有本末。事有終始。知所先後。則近道矣。

○父母生績章第十一

子曰。父子之道。天性也。君臣之誼也。父母生之。績莫大焉。君親臨之。厚莫重焉。

○孝優劣章第十二

子曰。不愛其親而愛他人者。謂之悖德。不敬其親而敬他人者。謂之悖禮。以訓則昏。民亡則焉。不宅於善。而皆在於凶德。雖得志。君子弗從也。君子則不然。

大學云。知止而后有定。定而后能靜。靜而后能安。安而后能慮。慮而后能得。得者言每有爲不失其所。



言思可道行思可樂

論語泰伯篇子曰興於詩立於禮成於樂○嚴  
卿曰言則爲道行則爲樂君子之於言行不亦  
難乎繫辭傳子曰君子居其室出其言善則千  
里之外應之況其邇者乎居其室出其言不善  
則千里之外違之況其邇者乎言出乎身加乎  
民行發乎邇見乎遠言行君子之樞機樞機之  
發榮辱之主也言行君子之所以動天地也可  
不慎乎中庸曰君子之道本諸身徵諸庶民考  
諸三王而不繆建諸天地而不悖質諸鬼神而

無疑百世以俟聖人而不惑質諸鬼神而無疑  
知天也百世以俟聖人而不惑知人也是故君  
子動而世爲天下道行而世爲天下法言而世  
爲天下則遠之則有望近之則不厭詩曰在彼  
無惡在此無射庶幾夙夜以永終譽周頌  
振鷺君子  
未有不如此而蚤有譽於天下者也

德誼可尊作事可法容止可觀進退可度

論語衛靈公篇子曰知及之仁不能守之雖得  
之必失之知及之仁能守之不莊以莅之則民  
不敬知及之仁能守之莊以莅之動之不以禮

未善也

以臨其民。是以其民畏而愛之。則而象之。

中庸詩云。駸假無言。時摩有爭。商頌是故君子

不賞而民勸。不怒而民威於鈇鉞。駸總也。假大

也。

故能成其德教而行其政令。詩云。淑人君子。其儀

不忒。曹風

○紀孝行章第十三

子曰。孝子之事親也。居則致其敬。

論語為政篇。子游問孝。子曰。今之孝者。是謂能

養。至於犬馬。皆能有養。不敬何以別乎。○嚴卿

曰。雖犬馬。其所可養者。則能養之。不敬何以別

乎。犬馬之養。

養則致其樂。

又子夏問孝。子曰。色難。有事弟子服其勞。有酒

食。先生饌。曾是以為孝乎。

疾則致其憂。

又孟武伯問孝。子曰。父母唯其疾之憂。

喪則致其哀。祭則致其嚴。

又孟懿子問孝。子曰。無違。樊遲御。子告之曰。孟

孫問孝於我。我對曰：無違。樊遲曰：何謂也？子曰：生事之以禮，死葬之以禮，祭之以禮。

五者備矣，然後能事其親。事親者，居上不驕，爲下不亂，在醜不爭，居上而驕則亡，爲下而亂則刑，在醜而爭則兵。此三者不除，雖日用三牲之養，繇爲不孝也。

○五刑章第十四

子曰：五刑之屬三千，而臯莫大於不孝。

周書呂刑云：墨罰之屬千，劓罪之屬千，剕罰之屬五百，宮罰之屬三百，大辟之罰，其屬二百五。

刑之屬三千。

要君者亡上。

論語憲問篇子曰：臧武仲以防求爲後於魯，雖曰不要君，吾不信也。

非聖人者亡法，非孝者亡親，此大亂之道也。

論語季氏篇子曰：小人不知天命而不畏也，狎大人，侮聖人之言。

○廣要道章第十五

子曰：教民親愛，莫善於孝；教民禮順，莫善於弟。

中庸云：君子之道，辟如行遠，必自邇；辟如登高，

必自卑。詩曰：妻子好合，如鼓瑟琴。兄弟既翕，和樂且耽，宜爾室家，樂爾妻帑。小雅子曰：父母其順矣乎。

### 移風易俗莫善於樂

詩序云：關雎，后妃之德也。風之始也，所以風天下而正夫婦也。故用之鄉人焉，用之邦國焉。風，風也，教也。風以動之，教以化之。詩者，志之所之也，在心為志，發言為詩。情動於中，而形於言，言之不足，故嗟歎之；嗟歎之不足，故永歌之；永歌之不足，不知手之舞之，足之蹈之也。情發於聲。

聲成文，謂之音。治世之音安以樂，其政和；亂世之音怨以怒，其政乖；亡國之音哀以思，其民困。故正得失，動天地，感鬼神，莫近於詩。先王以是經夫婦，成孝教，厚人倫，美教化，移風俗。故詩有六義焉：一曰風，二曰賦，三曰比，四曰興，五曰雅，六曰頌。上以風化下，下以風刺上，主文而譎諫，言之者無罪，聞之者足以戒，故曰風。

### 安上治民莫善於禮

中庸云：武王末受命，周公成文武之德，追王大王王季，上祀先公，以天子之禮。斯禮也，達乎諸

侯大夫及士庶人父爲大夫子爲士葬以大夫祭以士父爲士子爲大夫葬以士祭以大夫期之喪達乎大夫三年之喪達乎天子父母之喪無貴賤一也

禮者敬而已矣故敬其父則子說敬其兄則弟說敬其君則臣說敬一人而千萬人說所敬者寡而說者衆此之謂要道也

○廣至德章第十六

子曰君子之教以孝也非家至而日見之也大學曰君子不出家而成教於國孝者所以事

長也慈者所以使衆也周書康誥曰如保赤子心誠求之雖不中不遠矣未有學養子而后嫁者也

教以孝所以敬天下之爲人父者也教以弟所以敬天下之爲人兄者也教以臣所以敬天下之爲人君者也詩云愷悌君子民之父母大雅非至德其孰能訓民如此其大者乎

中庸詩云予懷明德不大聲以色大雅子曰聲色之於以化民未也詩曰德輶如毛大雅猶有倫上天之載無聲無臭至矣

應感章第十七

子曰昔者明王事父孝故事天明事母孝故事地  
察長幼順故上下治天地明察鬼神章矣

中庸云君子之道造端乎夫婦及其至也察乎  
天地○又子曰鬼神之為德其盛矣乎視之而  
弗見聞之而弗聽體物而不可遺

故雖天子必有尊也言有父也必有先也言有兄  
也必有長也

嚴卿曰雖天子必有尊也言有父也必有先也  
雖天子必有尊也言有兄也必有長也

宗廟致敬不忘親也脩身慎行恐辱先也宗廟致  
敬鬼神著矣

中庸曰子曰使天下之人齊明盛服以承祭祀  
洋洋乎如在其上如在其左右詩曰神之格思  
不可度思矧可射思大雅抑夫微之顯誠之不可

揜如此夫

孝弟之至通於神明光於四海亡所不暨

虞書大禹謨云有苗弗率昏迷不恭禹奉辭罰  
罪三旬苗民逆命益贊于禹曰惟德動天無遠  
弗届○又云帝初于歷山往于田日號泣于旻

天子父母負罪引慝祗載見瞽瞍夔夔齊慄瞽亦允若至誠感神矧茲有苗乃班師誕敷文德七旬有苗格

詩云自東自西自南自北亡思不服

大雅文王有聲

論語為政篇子曰為政以德辟如北辰居其所而眾星拱之

○廣揚名章第十八

子曰君子事親孝故忠可移於君事兄弟故順可移於長居家理故治可移於官是以行成於內而名立於後世矣

論語為政篇或謂孔子曰子奚不為政子曰書云孝乎惟孝友于兄弟施於有政是亦為政奚其為為政

○閨門章第十九

子曰閨門之內具禮矣乎嚴親嚴兄妻子臣妾繇百姓徒役也

○諫爭章第二十

曾子曰若夫慈愛龔敬安親揚名參聞命矣敢問子從父之命可謂孝乎子曰參是何言與是何言與言之不通邪昔者天子有爭臣七人雖亡道不

失天下諸侯有爭臣五人雖亡道不失其國大夫  
有爭臣三人雖亡道不失其家士有爭友則身不  
離於令名父有爭子則身不陷於不誼

論語微子篇微子去之箕子爲之奴比干諫而  
死○商書微子篇箕子謂王子曰商今其有災  
我與受其敗商其倫喪我罔爲臣僕詔王子出  
迪我舊云刻子王子弗出我乃顛隤自靖人自  
獻于先王我不顧行遯○論語衛靈公篇子曰  
志士仁人無求生以害仁有殺身以成仁○宣  
九年傳所謂陳靈公宣嬀於朝泄冶正諫而殺

之子曰詩云民之多僻無自立僻大雅板其泄冶

之謂乎○論語里仁篇子曰里仁爲美擇不處

美焉得智○又乾卦子曰其唯聖人乎知進退

存亡而不失其正者其唯聖人乎

故當不誼則子不可以不爭於父臣不可以不爭

於君故當不誼則爭之從父之命又安得爲孝乎

論語里仁篇子曰事父母幾諫見志不從又敬

不違勞而不怨○又八佾篇季氏旅於泰山子

謂冉有曰汝弗能救與對曰不能子曰君子無

所爭必也射乎揖讓而升下而飲其爭也君子



○嚴卿曰君子其當不誼則子爭於父臣爭於君其爭也君子○又八佾篇哀公問社於宰我宰我對曰夏后氏以松殷人以栢周人以栗使民戰栗子聞之曰成事不說遂事不諫既往不咎

○事君章第二十一

子曰君子之事上也進思盡忠退思補過將順其美匡救其惡故上下能相親也

論語八佾篇定公問君使臣臣事君如何孔子對曰君使臣以禮臣事君以忠子曰關雎樂而

不淫哀而不傷

詩云心乎愛矣遐不謂矣中心藏之何日忘之

小雅

隰桑

莊十年史傳曰鬻拳強諫楚子楚子弗從臨之以兵懼而從之鬻拳曰吾懼君以兵罪莫大焉遂自刖也楚人以爲大閹謂之大伯使其後掌之君子曰鬻拳可謂愛君矣諫以自納於刑刑猶不忘納君於善

○喪親章第二十二

子曰孝子之喪親也哭不依禮亡容言不文服美

不安聞樂不樂食旨不甘此哀戚之情也

論語陽貨篇宰我問三年之喪期已久矣君子三年不爲禮禮必壞三年不爲樂樂必崩舊穀旣沒新穀旣升鑽燧改火期可已矣子曰食夫稻衣夫錦於女安乎曰安女安則爲之夫君子之居喪食旨不甘聞樂不樂居處不安故不爲也今女安則爲之宰我出子曰予之不仁也子生三年然後免於父母之懷夫三年之喪天下之通器也予也有三年之愛於其父母乎○同篇子曰飽食終日無所用心難矣哉不有博奕

者乎爲之猶賢乎已○同篇子曰君子義以爲

上君子有勇而無義爲亂小人有勇而無義爲

盜

三日而食教民亡以死傷生也毀不滅性此聖人之正也器不過三年示民有終也爲之棺槨衣衾以舉之陳其簠簋而哀戚之哭泣辨踊哀以送之卜其宅兆而安措之爲之宗廟以鬼亨之春秋祭祀以時思之

中庸子曰武王周公其達孝矣乎夫孝者善繼人之志善述人事者也春秋脩其祖廟陳其宗

器設其裳衣薦其時食宗廟之禮所以序昭穆也序爵所以辨貴賤也序事所以辨賢也旅酬下爲上所以逮賤也燕毛所以序齒也踐其位行其禮奏其樂敬其所尊愛其所親事死如事生事亡如事存孝之至也郊社之禮所以事上帝也宗廟之禮所以祀乎其先也明乎郊社之禮禘嘗之義治國其如示諸掌乎

生事愛敬死事哀戚生民之本盡矣死生之誼備矣孝子之事終矣

孝經證終

證據學著述錄

懷河 青信有志

證とい神農氏ハ伏羲氏と證とあり黄帝氏ハ神農氏と證とあり尚書ハ三墳と證とあり孔夫子ハ詩書易等と證とあり義理と用く學派乃題目と也且此目錄ハ載る所の書ハ刻全備らざるといへども同志の徒學派の大抵と窺ふの一助なるべし是ハ記を而已

古三墳讀本

序文并訓点附一冊 女護島子著

古三墳證

女護島子の著所と奉て 證と引く谷氏の校正

尚書證解

汶嶺子の指所と揚て訓と附け爾雅と證と取と解と女護島子著

四始考證

詩大序ヲ載四始之とあると題として風并小雅大雅頌の訓とが那文と以て詳と星野子常子著

五聲音釋證

詩經の音と五聲と分ハ音韻の便とを女護島子著和氣氏の序

易學簡理證

先天後天の説と除て繫辭傳と以て其義と解と女護島子著

孝經證訣

女護島子著

孝經證

女護島子著華人の序文と載

大學證

星野子常子著

中庸證

女護島子著  
堂上方の御序文入

爾雅證

釋詁釋訓譯言と證と引て訓  
と附傳よめる如く六藝と釋する  
訣と解と女護島子著

改朔問考證

周正月の論と秦火以上  
の書籍と奉る今の如  
く改朔と女護島子著

字義惑問

亂と治と訓せし離を  
着と訓せしと證を以  
て女護島子著

古起辭證

秦以上の書に發語を用  
たりと奉て用法を便と女  
護島子著

古疊辭證

經籍の疊字を奉る  
用法を便と女護島子著

大學考證

星野子常子著加那文

論語證

女護島子著

老子解

大道と仁義と同意ある証と  
證と如く註女護島子著華  
人の序文と載

文辭考

文辭の問あるは付て對と  
まると證と以て女護島子  
著

問答類集

當學と疑ひ問あるは  
答たる書籍を集女護  
島子著

古介辭證

秦以上の書に助字を用たりと  
奉て用法を便と女護島  
子著

經元搜義

經籍の語を搜るは便  
とと女護島子著

聖賢語聯

孔夫子并弟子及諸賢  
の語と一所に集其性を  
察するは便と女護島子著

經註隔義錄

諸書の疑と集る疑惑  
と解便と女護島子  
の指所を用て書信有集

尙書人物證

女護島子著右に全  
和氣氏の序

詩經證

詩經の風雅の所一冊證と  
奉女護島子著

古文體

古文の體と集作文の便と  
女護島子著

尙書辭例

女護島子著

繫辭傳詞例

女護島子著

史傳引證集

左傳中へ詩易書と引  
所を擧る引證乃便  
とと女護島子著

論語人物證

諸人物の績と秦以上の書に  
載ると集る今の雜説と異る  
証と便と女護島子著

本邦風雅集

詩經體の詩と集る古  
風雅の詩作の便と女  
護島子著

好學牘話

學派の義理と尺牘を認當  
學と好むの便と女護島  
子著

四書辭例

此辭例はいろは音切抜語を集  
節用の如字法文法又事實と採  
出と便と且四書と孝經大學論  
語中庸と女護島子著

易經辭例

女護島子著

詩經辭例

女護島子著

古序辭例

女護島子著

老子辭例

女護島子著

古尺牘辭例

戰國秦漢の簡と撮て尺牘の便也。女護島子著。

續文淵遺珠

書家の韻銘詠物等の便と文嶺、小解、女護島集、過之望序。

詩經人物證

女護島子著。和氣氏の序。

老子假字解

女護島子集録

尹文子

女護島子句讀并序文

春秋史傳辭例

女護島子著

法華經辭例

此書ハ要用の辭許、挙て引證の便也。女護島子著。

自書艸體集

艸書の體と眞字と附て用法の便也。女護島子著。

古字彙證

秦以上の用語と集、字と小解と、その字義、字法の便と、女護島子著。

麟經探既

女護島子著

作易象圖

女護島子著。宋仲英子之序

性義錄證

女護島子著。萬年山主之御序文



